

Saluta quoque, sanctissime pater Nifridii, fratres nostros, servientes siquidem —804  
sanctae Mariae<sup>1</sup>. Optimam vere elegerunt dominam et optimum sponsum eiusdem  
dominae et reginae caelorum; et dignum est, ut optimo regi optime serviatur. Qui bona  
eligat, bona custodiat, bona non derelinquat, sed perpetualiter bona retineat. Parum  
5 est incepisse<sup>a</sup> bona, nisi ut perseveret in bonis qui bona eligit. Quid est laborem fructuo-  
sum derelinquere et labori<sup>b</sup> infructuoso mancipari? Labor itaque monachicae vitae  
fructuosus est; labor vero saeculi infructuosus est. Sine labore nemo vivit in mundo.  
Et felix nimium qui de labore venit in requiem. Et infelix qui de labore venit in  
tormenta; laborat enim, ut male habeat; et non intellegit quid facit. Intellegentia  
10 enim opus est in vita; ut sciat homo, ad quem finem tendat retributio laboris sui.  
Parvus labor in bono homine perpetua remunerabitur quiete.

Omnipotens Deus ad multorum salutem vos longeva prosperitate proficere con-  
cedat, carissimi patres.

## 276.

*Alcvinus Oniae sacerdoti scribit de caritate.*

—804.

15 *Cod. H fol. 52.*

*Edd. F 227, J 284. — Migne col. 508.*

ALBINUS ONIAE SACERDOTI<sup>2</sup> SALUTEM.

Mirabile est, quod dulce versum est in amarum. Nam caritas dulcis est in prae-  
sente, sed extrema<sup>a</sup> quodammodo in absente, dum non videt<sup>b</sup>, quem amat, angustia-  
20 tur in absentia eius; quae siquidem in beatis et regno Dei dignis semper dulcis erit,  
quia praesens illi, qui amatur; cuius visio omnis est beatitudo, ad quam ut pervenire  
mereamur, omnia dura dulcia per patientiae donum videri debent; et omnia<sup>c</sup> huius  
saeculi dulcia quasi nihil reputandum est.

Hoc memor, fili carissime, ut vivas feliciter sub timore Dei, in caritate Christi,  
25 in omni sobrietate, castitate et caritate, proficiens de die in diem in omni opere bono,  
ut dignus efficiaris ad eam pervenire caritatem, quae numquam mutabitur, numquam  
finem habitura est. Vive feliciter in caritate Christi et omni relegione sancta, fili  
carissime.

## 277.

*Alcvinus Oniam sacerdotem de caritate admonet.*

—804.

30 *Cod. H fol. 54'—55.*

*Edd. F 228, J 285. — Migne col. 508.*

275. <sup>a</sup>) incipisse *H.* <sup>b</sup>) *corr. in laborari H.*

276. <sup>a</sup>) *extrama corr. in extrema H.* <sup>b</sup>) *vidit H.* <sup>c</sup>) *omni H.*

1) *In coenobio S. Mariae Orbionensi s. Crassensi (dioec. Carcassensis, Lagrasse), condito a Nifridio.*  
35 *Nifridium enim abbatem Orbionensem et Nifridium archiepiscopum Narbonensem eundem fuisse constat ex*  
*his necrologii Crassensis verbis a Mabilione (Acta SS. ord. Bened. saec. IV, 1, 196 n. a) allatis: Kal.*  
*Ianu. Nimfridius abbas et archiepiscopus Narbonensis. J. — Meminit eius Theodulfus in versibus ad*  
*monachos S. Benedicti (Poet. Carol. I, 522):*

*Hinc pete Nebridii patris venerabilis aedes;*

40 *cf. autem Sickel Acta Karolinor. II, 281, qui Mabilionis opinionem impugnat, verum Simson (Jahrb. des*  
*fränk. Reiches unter Karl dem Gr. ed. alt. I, 440) Mabilioni assentitur. 2) De Onia sacerdote alias*  
*ignoto cf. supra p. 351 n. 2.*